




B. N. C
FIRENZE
1142
10





1142.10





27
S^{MI} D^V N^V AI 21

D. V R B A N I

DIVINA PROVIDENTIA

PAPAE VIII.

Indictio Sex Decimarum super omnibus
fructibus Ecclesiasticis Italiae.

1142-10



R O M Æ,



Et Florentia, Typographia Sermartelliana. 1632.

Superiorum Permissu.

VRBANVS EPISCOPVS SERVVS SERVORVM DEI

Ad futuram rei memoriam.



Vprema dispositione illius cuius inscrutabili providentia ordinationē suscipiunt vniuersas in eminenti Apostolicę dignitatis specula meritis licet imparibus constituti, & inter multiplices sollicitudines quas pro communi vtilitate vniuersę Christianę Reipublicę nostra curę cōmissę dies noctesq; suscipimus, tot, ac tantos novos orthodoxę Fidei hostium in inclitam Germaniam, & illi proximas Provincias percurrentes conatus paterna meditatione considerantes, non possumus calamitosum statum Catholicorum illarū partium non miseri, & ne Catholici ipsi in maiores incidant erumnas non pertimescere. Quare Nos officij nostri partes esse duximus charissimo in Christo filio nostro Ferdinando Romanorum Regi in Imperatorem electo, quacunque opportuna ratione possumus opem ferre, & communem Catholicę Ecclesię causam adiuuare. Hinc est, quod post elargitos nouissime ex ipsius Ecclesię ritu eiusdem Ecclesię thesauros, quia Camerę nostrę Apostolicę valde debilitate vires ad ea cōparanda pręsidia, quę pręsentes necessitates postulant nequaquā sufficiunt, cogimur exēplo Romanorū Pontificū prędecessorum nostrorum ad aliarū Ecclesiarum peculium, Christi; Domini patrimonium, cuius causa nunc agitur Nos conuerte, sperantes in Domino non iniquum quemquam vrgentium h. • rum necessitatum æstimatorem, in tam sanctum, piū, ac necessariū vsum pro Christiana pietate libenter contributurū. Habita igitur super his omnibus cum Venerabilibus fratribus nostris S. R. E. Cardinalibus deliberatione matura de eorum consilio & assensu indicimus, & imponimus Sex integras Decimas omnium, & quorumcunque fructuum, reddituum, prouentuum, Iurium, obventionum, distributionum quodidianarum, & emolumentorum ordinariorū, & extraordinariorum omnium, & quarumcunque Ecclesiarum Patriarchalium, Metropolitanarum, Cathedralium, Collegiarū,

& Parrochialium, necnon Monasteriorum, & Conuentuū, ac etia
 Mensarum Patriarchalium, Archiepiscopalium, Episcopalium,
 Abbatialium, Capitularium, & Conuentualium, Prioratum quo-
 que Præpositurarum, Præceptoriarum, Canonicatum, & Præben-
 darum, Dignitatum, Personatum, Administrationum, & Officio-
 rum, cæterorumq; Beneficiorum Ecclesiasticorum cum cura, &
 sine cura sæcularium, ac Sancti Benedicti, Sancti Augustini, Clu-
 niacen., Cisterciën., Præmonstraten., Sancti Basilij, Siluestrinorū,
 & qui proprietates, redditusq; certos ex priuilegio, vel alias possi-
 dent Mendicantium, ac quorumcunque aliorum Ordinum vtriuf-
 que sexus, necnon Congregationum regularium, & insuper Ho-
 spitalium etiam pauperum hospitalitatem non exercentium, seu
 bona, & redditus vltra infirmorum necessitates, & alia pro quibus
 instituta sunt pia officia exercētium possidentium, necnon B. Ma-
 riæ Theutonicorum, Sancti Iazari de alto passu, Templi Dominiici,
 & aliarum Militiarum in Italia vniuersa consistentium, secundum
 verum annum valorem fructuum, reddituum, prouentuū, & alio-
 rum prædictorum, nisi aliter cum Sede, & Camera Apostolica fue-
 rit concordatum (Hospitalis Sancti Ioannis Hierosolymitani Mi-
 litia, quæ pro sui tutela contra Turcas, & alios infideles alienis in-
 diget continuo auxilijs, necnon Duodecim illis Cōgregationibus,
 quæ cum Camera Apostolica tempore fel. rec. Pij Papæ Quinti
 Prædecessoris nostri de subsidio ordinario cōcordarunt, & S. R. E.
 Cardinalibus ob assiduos, magnosq; labores quos ipsi Ecclesiæ vni-
 uersali impendunt, & grauissima quæ tuendę dignitatis causa susti-
 nent onera, duntaxat exceptis (ac etiam indicimus, & imponimus
 Sex similes decimas omnium, & quarumcunque pensionum an-
 nuarum super fructibus, redditibus, prouentibus, iuribus, obu-
 tionibus, emolumentis, & distributionibus supradictis in fauorem
 quorumcunque (non tamen Cardinalium, & Duodecim Congre-
 gationum huiusmodi) assignatarum, & assignandarum percipien-
 das, exigendas, & leuandas ab omnibus, & quibuscunque Epi-
 scopis, Archiepiscopis, & Primatibus, Patriarchis, & alijs Ecclesia-
 rum Prælatibus, ac cæteris cuiuscunque dignitatis, gradus, status, &
 conditionis personis prædicta, quocunque lure, & titulo obtinen-
 tibus, & obtenturis, necnon Economis, & Administratoribus per-
 petuis, & temporalibus vsufructuarij, ac fructus, pensiones, res, &
 alia huiusmodi iura ex quacunque causa sibi Apostolica auctorita-

te in toto, vel in parte reſeruata habentibus, & habituris ſecularibus, & regularibus Ordinum, Cōgregationum, Militiarum, & Hoſpitalium (non tamen Sancti Ioannis) prædictorum, necnon ab ipſis Eccleſijs, Cappellanijs, Conuentibus, Ordinibus, Congregationibus, Collegijs, Hoſpitalibus, Militijs, Menſis, Maſſis, & locis quocunque priuilegio, & exemptione reali, perſonali, & mixta, antiqua, & immemorabili, pacifica, & continua ſuffultis, quos omnes ad hoc obligatos, pro vna intra proximum diem feſtum Sãcti Michaelis Archangeli proximi menſis Septembris, & pro alia intra eundem feſtum anni proxime futuri, & pro tertia partibus equalibus intra illum ipſum diem feſtum conſequentis protinus anni Cameræ prædictæ, & illius Depositariorum generali ad id conſtituendo, omnino volumus perſoluiffe. Eiuſdem verò Depositariorum munus erit ſedulo curare, vt quicquid pecuniarum ex Decimis colligitur id diligenter, ac fideliter aſſeruetur, de mandato noſtro ſpeciali in prædictos uſus duntaxat, nec aliàs erogandum. Quicunque verò Decimas huiusmodi nullo modo, vel non integre ſcienſer, aut non ſecundum verum annum valorem fructuum, reddituum, prouentuum, lurium, obuentionum, diſtributionum, & emolumentorum, vel concordiam cum Sede, & Camera prædictis, vt præfertur in eundem, ſiue terminis conſtituendis non exhibuerint, ſeu in illorum exhibitione malitiam commiſerint, vel fraudem Eccleſiarum Antiftites ſuſpēdimus à diuinis; Capitula verò, Conuentus, Collegia quęcunque eccleſiaſtico interdicto ſupponimus, ac ſingulares perſonas Antiftite inferiores excommunicationis ſententia innodamus. Ceterum ad prædictas decimas conſequendas præcipimus etiam omnibus Cōductoribus, Cenſurarijs, & locatoribus proprietatum, fructuum, rerum, & lurium prædictorum, etiam huiusmodi penſionibus oneratorum, vt utraſque Decimas nomine Dominorum, ac Penſionariorum ad computum ſuæ quiſque locationis; omnibus verò poſſeſſoribus, uſufructuarijs, & alijs Pēſiones ſoluere debentibus, vt ipſi etiam decimas, penſionū huiusmodi nomine Penſionariorum Camerę, & Depositariorum prædictis integre perſoluant. Decernentes Decimas, fructuum, reddituum, prouentuum, & aliorum lurium prædictorum ſecundum verum valorem annum, vel ſaltē iuxta taxam de qua cum dilectis filijs noſtro Hippolyto Sancti Angeli in foro piſcium Diacono Cardinalis S.R.E. Camerario, ac noſtro, & Cameræ prædictę Theſaurario generali, quibus etiam


Eccle-

Ecclesiarum, Monasteriorum beneficiorum, & aliorum prædicto-
 rum fructus hæcenus non taxatos taxandi, & taxam in libris Came-
 ræ Apostolicæ describendam describi faciendi, necnon taxas anti-
 quas quas opus fuerit, iuxta verum fructuum valorem augendi, li-
 centiam, facultatem, potestatem; & auctoritatem plenariè conce-
 dimus, & impartimur, vt præfertur concordauerint, alias verò pē-
 sionum Decimas ad rationem decem pro centenario præstari de-
 bere, & secundum ea prædictos omnes insolidum cogendos esse,
 ipsarumq; Decimarum Procuratores à quibus libuerit integre exi-
 gendi optionem facultatemq; habere, neque vllas immunitates, &
 exemptiones, etiam ex causa resignationis, cessionis iuris, concor-
 diæ, conuentionis, aut quacunque alia graui, & onerosa occasione
 quocunque modo concessas, & interim concedendas, integram
 solutionem huiusmodi minuere, vel impedire, neque possessores
 vsufructuarios, aut alios pensiones huiusmodi soluere debentes,
 etiam si ipsi luri, & actioni petendæ, vel detrahendæ, vel retinen-
 dæ portionis, & ratæ partis pensionarios contingentis Iureiuran-
 do renunciauerint, atque ex forma dictæ Cameræ amplissima ca-
 uerint modo aliquo obligari. neque ad id pro dicto tempore con-
 stringi posse. Omnes verò confessiones, & quietantias receptio-
 nis Decimarum à Procuratoribus, & Ministris Cameræ prædictæ,
 tam Conductoribus, Censuarijs, & Locatoribus nomine suorum
 principalium, quàm etiam ipsi, necnon possessoribus, vsufructua-
 rijs, & alijs pensiones soluere debentibus nomine pensionariorū
 faciendas perindè valere, atquè in Iudicio, & extra illud vbiq;
 locorum fidem habere, ac si ipsimet principalibus, & pensionarijs
 præsentibus, & soluentibus factæ, & exhibitæ fuissent. Conducto-
 res autem qui pretium locationis Dominis legitime anticipaue-
 rint, locationem suam huiusmodi quā ad hoc prorogamus, vsque
 ad integram satisfactionem, vt prius etiam adueniente successore
 continuare debere. Sicque per quoscunque Iudices ordinarios,
 & delegatos quauis auctoritate fungentes, etiam causarum Palatii
 Apostolici Auditores, ac Sanctæ Romanæ Ecclesiæ Cardinales
 etiam de latere Legatos, & Nuncios, sublati eis, & eorum cuilibet
 quauis aliter iudicandi, & interpretandi facultate, & auctoritate
 vbiq; iudicari, & diffiniri debere, ac irritum, & inane si secus su-
 per his à quoquam quauis auctoritate scienter, vel ignoranter con-
 tingerit attentari, vt autem omnia prædicta sicut causa vrgens po-
 stulat

stulat diligenter, & fideliter executioni demandetur prædictum Hippolytum Cardinalem Camerarium, cuius integritas, atque experientia iam pridem Nobis perspecta est, generalē omnium Decimarum prædictarum Collectorem in vniuersa Italia cum omnibus, & quibuscunque priuilegijs, iurisdictionibus, ac Iuribus quæ omnes alij ante hac huiusmodi Collectores habuerunt auctoritate prædicta tenore præsentium constituimus, & deputamus, eique plenam, liberam, & absolutam potestatem, facultatem, & auctoritatem tribuimus omnes ipsas Decimas Camere prædictæ nomine vbique procurandi, prædictos omnes tam coniunctim, quam diuissim ad illarum integram solutionem, ut prædictum est faciendā, etiam per Edictum locis publicis affigiendum monendi, & requirendi non parentes, fraudulentos, & cæteros contumaces in censuras, & pœnas incidisse, seruata forma Concilii Tridentini declarandi proprietates, res, fructus, & alia bona ipsorum etiam manu regia apprehendi, & vsque ad condignam satisfactionem retinendi. Contradiçtores, & perturbatores, molestatores, & rebelles quoscunque eisque auxilium consilium, vel fauorem publicè, vel occultè quouis quæsito colore præstantes, cuiuscunque dignitatis, gradus, & ordinis fuerint prædictis, & alijs censuris, & pœnis Ecclesiasticis, necnon pecuniarijs, cæterisque iuris, & facti remedijs compellendi, illasque etiam iteratis vicibus aggrauandi dignitatibus, beneficijs, & officijs omnibus priuandi, & amouendi, & ad futura inhabiles faciendi Interdictum Ecclesiasticum apponendi, auxiliumque brachij secularis quandocunque opus fuerit inuocandi, ad sanitatem verò reuersos, qui debite satisfecerint ab omnibus censuris, & pœnis supradictis in forma Ecclesiæ consueta absoluedi, super irregularitate forsan incurfa dispensandi, & ad pristinum statum omnino restituendi. Præterea Collectores, & Subcollectores fide, & facultatibus idoneos in omnibus Ciuitatibus, Terris, & Prouincijs Italiæ prædictæ quotquot viderit expedire cum simili, vel limitata, non tamen absoluendi potestate constituendi, eumque vel eos arbitrio suo reuocandi negligentes, & morosos remouendi, ac alium, seu alios subrogandi, quotiescunque ei videbitur in delinquentes, & suspectos per se, vel alium, seu alios etiam simpliciter, & de plano, ac sine strepitu, & figura Iudicij inquirendi, & meritis pœnis puniendi modos, & formas in prædictis seruandos præscribendi. dubia quæcumque in præmissis forte oritura declarandi,

clarandi, ac prorsus omnia, & quæcunque circa ea necessaria, & opportuna faciendi, statuendi, & exequendi, etiam si talia forent, quæ mādaturū exigent magis speciale quam præsentibus est expressum. Non obstantibus piæ memoriæ Bonifacij Papæ VIII. etiam prædecessoris nostri de vna, & in Concilio generali edita de duabus dietis, ac alijs Apostolicis Constitutionibus, necnon Ecclesiarum, Monasteriorum, Ordinum, Congregationum, Hospitalium, Militiarum, & locorum prædictorum Iuramento, confirmatione Apostolica, vel quauis firmitate alia roboratis, statutis, & cōsuetudinibus, stabilimentis, vsibus, & naturis quodque Prælati, & personis prædictis, eorumque Ecclesijs, & locis, vel quibusuis alijs communiter, aut diuissim à prædicta sit sede indultum, quod interdici, suspendi, vel excommunicari non possint per litteras Apostolicas non facientes plenam, & expressam, ac de verbo ad verbum de Indulto huiusmodi, necnon personis, earumque nominibus, & cognominibus, Ecclesijs, Monasterijs, Ordinibus, & locis huiusmodi mentionem. Et quibuslibet alijs priuilegijs, exemptionibus, immunitatibus in genere, & in specie quomodocūque concessis, confirmatis, & innouatis etiam solutionem Decimarum aliter quam secundum antiquam taxam, & nisi in vniuersali Decimarum per Orbem impositione fieri prohibentibus, necnon promissionibus, denominationibus, obligationibus, iuramentis, & renunciationibus, vinculis, & cautelis in assignatione prædictarum pensionum factis quibus per impositionem Decimarum huiusmodi neminem teneri, neque eas quoad præmissa contra quemcunque locum habere similiter declaramus, alijsque Indultis, & litteris Apostolicis generalibus, & specialibus cuiuscunque tenoris existant, per quæ præsentibus non expressa, aut omnino non inserta effectus earum impediri valeat quomodolibet vel differri, & de quibus quorumque totis tenoribus habenda sit in nostris litteris mentio specialis, quæ omnia contra præmissa nolumus cuiquam in aliquo suffragari, necnon alijs huiusmodi impositionibus, & cōcessionibus ad tempus nōdum elapsū si quæ sint factis. Ceterisq; contrarijs quibuscunque. Ceterum in percipiendis Decimis prædictis Constitutionem recolendæ memoriæ Clementis Papæ V. similiter prædecessoris nostri in Concilio Viennen. editam, quod Decimæ ad monetam currentem communiter leuari, nec Calices, libri, ceteraq; Ecclesiarum ornamenta diuino cultui dicata ex cau

sa pignoris capi, percipi, vel distrahi, aut aliàs quomodolibet occupari debeant, vbique volumus obseruari quin etiam. Præcipimus ne quisquam etiam plura quancunque valoris beneficia Ecclesiastica, seu plures pensiones, aut fructus, seu talia mixtim obtinens pro littera, & sigillo quietantiæ vniuersalis, si illam habere voluerit, vltra vnum carolenum conficiendum quatenos triginta septem monetæ Romanæ soluere teneatur, nec ad aliud onus etiã prætextu cambij vsquam compellatur. Quia verò difficile nimis esset præsentis litteras quocunque illas opus erit perferre, Volumus quoque vt illarum exemplis etiam impressis, & Notarij publici manu, ac Hippolyti Cardinalis & Camerarij prædicti, aut alterius Collectoris, seu Prælati Ecclesiastici, eiusue Curie sigillo ob signatis eadem prorsus fides in Iudicio, & extra illud vbique loco rum abhabeatur quæ illis ipsis adhiberetur si essent exhibitæ, vel ostensæ. Nulli ergo omnino hominum liceat hanc paginam indictionum, impositionum, suspensionis, suppositionis, inodationis, decreti, concessionis, impartitionis, prorogationis, constitutionis, deputationis, tributionis, declarationis, præcepti, & voluntatum nostrorum infringere, vel ei ausu temerario contraire. Si quis autem hoc attentare præsumpserit indignationem omnipotentis Dei, ac beatorum Petri, & Pauli Apostolorum eius se nouerit incursurum. Dat. Romæ apud Sanctum Petrum Anno Incarnationis Dominicæ Millesimo sexcentesimo trigesimo primo, Quarto decimo Kal. Februarij, Pontificatus Nostri Anno Nono.

 Ego Vrbanus Catholicæ Ecclesiæ
Episcopus.

1142 10 2





MC

